



Služba za društvene djelatnosti i upravu

Broj: 02-36-120/26
Lukavac, 14.01.2026. godine

Na osnovu Statuta Grada Lukavac („Službeni glasnik Grada Lukavac“ broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25), Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Strategije za razvoj sporta općine Lukavac 2022-2027 („Sl. glasnik općine Lukavac“, broj: 2/22), Godišnjeg programa razvoja sporta i raspodjele sredstava iz oblasti sporta za 2026. godinu („Službeni glasnik Grada Lukavac“, broj: 15/25), Služba za društvene djelatnosti i upravu objavljuje

**JAVNI POZIV
za kategorizaciju sportskih klubova i raspodjelu sredstava za razvoj sporta na
području grada Lukavac**

Član 1.

Objavljuje se javni poziv za vrednovanje i kategorizaciju sportskih klubova sa područja grada Lukavac.

Kategorizacija sportskih klubova će biti osnov za raspodjelu sredstava za razvoj sporta na području grada Lukavac, raspodjelu sredstava za subvenciju sportskih članarina za djecu iz porodica nižeg socijalno-ekonomskog statusa, te druge oblike institucionalne podrške sektoru sporta od strane Grada Lukavac, a na osnovu odredbi Godišnjeg programa razvoja sporta i raspodjele sredstava iz oblasti sporta za 2026. godinu („Službeni glasnik Grada Lukavac“, broj: 15/25).

Član 2.

Pravo na dodjelu sredstava za razvoj sporta mogu ostvariti Sportski klubovi sa područja grada Lukavac koji ispunjavaju opće uslove (u daljem tekstu: aplikanti).

OPĆI USLOVI:

1. da je klub registrovan u skladu sa odredbama Zakona o udruženjima i fondacijama FBiH,
2. da je klub registrovan u skladu sa Zakonom o sportu Tuzlanskog kantona, i da je rad istog prilagođen odredbama ovog Zakona
3. za sredstva namijenjena za razvoj kvalitetnog i vrhunskog sporta, da je klub uključen u redovan sistem takmičenja u okviru granskog nadležnog Saveza,



4. da je zahtjev sa programom – projektom, podnesen u naznačenom roku i na propisanom obrascu,
5. da ima transparentno finansijsko poslovanje i izvještavanje (dostavljen izvještaj bilansa stanja i bilansa uspjeha za prethodnu godinu i izjavu da će bilans stanja i uspjeha dostaviti najkasnije do 31.03.2026. godine
6. da je dostavio izvještaj i opravdao utrošak dodijeljenih sredstava za protekli period, odnosno za prethodno odobrene projekte.

Član 3.

Sportski klubovi koji ispune uvjete iz člana 2 i blagovremeno predaju aplikacioni obrazac sa potrebnim dokumentima ostvarit će pravo na sufinansiranje sportskih djelatnosti.

Sportski klubovi mogu aplicirati samostalno ili prijavu za iste može podnijeti nadležni sportski savez.

Član 4.

Iznos od 2/3 planiranih sredstava za ovu namjenu će se rasporediti kategoriziranim klubovima po vrijednosti boda, dok će iznos od 1/3 planiranih sredstava za ovu namjenu biti raspoređen za pojačane potrebe kategoriziranih klubova na osnovu zahtjeva do kraja budžetske godine ili do utroška sredstava predviđenih za ovu namjenu.

Iznos finansijskih sredstva koja se dodjeljuju sportskim kolektivima po osnovu vrijednosti boda, odredit će se proporcijom na osnovu osvojenih bodova u odnosu na ukupno raspoloživa sredstva za ovu namjenu, pri čemu će se voditi računa o kategorizaciji klubova, o potraživanom iznosu sportskih kolektiva i procjene Komisije o objektivno potrebnim sredstvima, te prihvatljivim troškovima za razvoj sporta.

Izračunati iznos sredstava, bit će umanjen za iznos troškova koji nisu prihvatljivi za ovu namjenu, u skladu sa članom 5. Javnog poziva.

Član 5.

Iz odobrenih budžetskih sredstava aplikanti mogu finansirati:

Primarni troškovi:

- Troškovi koji proizilaze za realizaciju trenažnih aktivnosti: obezbjeđivanje (zakup ili održavanje) sportskih terena za realizaciju sportskih aktivnosti,
- Troškovi za realizaciju takmičarskih aktivnosti: članarine i registracija klubova i sportista u nadležne saveze, kotizacije za učešće u takmičarskim aktivnostima, troškovi službenih lica, ljekarske preglede i zdravstveno osiguranje sportista, prevoza, smještaja i ishrane na takmičenjima, i drugi troškovi koji proizilaze iz aktivnosti odlaska na takmičenje/utakmice.

Sekundarni troškovi:

- Troškovi sufinansiranja stručnih lica neophodnih za realizaciju sportskih djelatnosti, u skladu sa zakonom.
- Troškovi koji se odnose na sportske stipendije, naknade sportistima, sportsku opremu, itd., u skladu sa zakonom.

Tercijarni troškovi:

- Kancelarijski materijal, kancelarijski režijski troškovi, administrativni troškovi, dugovanja, infrastrukturni troškovi za održavanje i adaptaciju sportskog objekta, materijalni troškovi za funkcionisanje kluba i održavanje sportskog objekta, itd.

Sportski kolektivi od javnog interesa za Grad Lukavac, dodijeljena sredstva mogu utrošiti na primarne, sekundarne i tercijarne troškove.

Sportski kolektivi prve kategorije, dodijeljena budžetska sredstva mogu utrošiti na primarne i na sekundarne troškove, samo ukoliko su prethodno obezbijeđena sredstva za primarne troškove.

Sportski kolektivi druge kategorije, dodijeljena budžetska sredstva mogu utrošiti samo na primarne troškove.

Sportskim kolektivima viših kategorija nije dozvoljeno dodijeljena budžetska sredstva utrošiti na djelatnosti sekundarnih troškova i nižih prioriteta ukoliko za djelatnosti primarnih troškova i viših prioriteta nisu prethodno obezbijeđena finansijska sredstva.

Ukoliko sportski subjekti postupe suprotno od odredbi ovog člana, obustavit će se postupak daljeg finansiranja istih, te su isti obavezni izvršiti povrat finansijskih sredstava u Budžet Grada Lukavac.

Korisnici sredstava su obavezni opravdati dobivena finansijska sredstva u skladu sa finansijskim planom programa i projekta, i odredbama ovog člana.

Član 6.

Sredstva iz Budžeta Grada Lukavac, koja su namijenjena za sportske članarine, Grad Lukavac će dodijeliti sportskim klubovima koji su potpisali izjavu kojom se obavezuju da će omogućiti besplatan trenažni proces za djecu iz porodica nižeg socio-ekonomskog statusa.

Grad Lukavac će Javnim pozivom obavijestiti javnost o klubovima u kojima je moguće trenirati besplatno za kategorije djece iz porodica nižeg socio-ekonomskog statusa,

Na bodove i institucionalnu podršku po ovom osnovu imaju pravo samo klubovi koji u svom radu imaju organizovan omladinski pogon, odnosno bodovani su po osnovu omladinskih selekcija.

Član 7.

Aplikanti kojima budu odobrena finansijska sredstva za sufinansiranje sportskih djelatnosti su dužni u roku od 30 dana od dana realizacije aktivnosti opravdati dodijeljena sredstva, a najkasnije do 31. januara naredne, u suprotnom su dužni izvršiti povrat istih.

Član 8.

Gradonačelnik će posebnim rješenjem imenovati Komisiju za provođenje postupka po Javnom pozivu za kategorizaciju sportskih klubova na području grada Lukavac.

Član 9.

Komisija za provođenje postupka po javnom pozivu za kategorizaciju sportskih klubova na području grada Lukavac će prvo provjeriti da li pristigla aplikacija zadovoljava opće uslove.

Aplikanti za ovaj Javni poziv su obavezni dostaviti dokumentaciju kojom se dokazuju Opći uvjeti Javnog poziva:

- 1. kopiju važećeg rješenja o registraciji organizacije u BiH**
- 2. Uvjerenje o poreskoj registraciji - ID broj,**
- 3. Kopiju Statuta sportske organizacije**
- 4. Godišnji plan i program rada sa finansijskim planom**
- 5. kopiju završnog godišnjeg finansijskog izvještaja za proteklu godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe (Za aplikante kojima bilans stanja i uspjeha nije završen, dostaviti ovjerenu izjavu da će bilans stanja i uspjeha dostaviti najkasnije do 31.03.2026. godine)**
- 6. Dokaz o članstvu u nadležnom granskom savezu za 2025/26. godinu**

Klubovi koji su ranije dostavili prethodno navedenu dokumentaciju za potrebe upisa u Registar sportskih klubova, dužni su dostaviti dokumentaciju pod rednim brojevima 4, 5,6. Ukoliko prijavu u ime kluba realizuje nadležni sportski savez, isti dostavlja potvrde za klubove kojim se dokazuju Opći uvjeti Javnog poziva.

Svi dokumenti mogu biti u formi kopije ovjereni pečatom aplikanta, a po potrebi originalni dokumenti mogu biti traženi na uvid.

Nakon provjeravanja Općih uvjeta Javnog poziva, Komisija će sportske klubove vrednovati na osnovu posebnih uvjeta kriterijima iz Godišnjeg programa razvoja sporta i raspodjele sredstava iz oblasti sporta za 2026. godinu („Službeni glasnik Grada Lukavac“, broj: 15/25).

Član 10.

Sportski klubovi će se vrednovati prema sljedećim kriterijima:

1. Tradicija,
2. Masovnost,
3. Broj selekcija uključenih u redovna takmičenja,
4. Broj trenera sa odgovarajućom stručnom spremom,

5. Mogućnost sudjelovanja u klubu za osobe ženskog spola,
6. Subvencije učešća za djecu iz porodica nižeg socio-ekonomskog statusa,
7. Trenutni sportski domet u vrhunskom sportu
8. Trenutni sportski domet u kvalitetnom sportu
9. Aktivan rad rukovodstva i upravnog odbora kluba
10. Učešće u organizovanom sistemu takmičenja/članstvo u granskom krovnom Savezu

POSEBNI USLOVI ZA DOKAZIVANJE:

1. Popunjen Obrazac za evaluaciju kriterija za kategorizaciju 2026 uz priložene dokaze koji se traže u samom obrascu.
2. Za ostvarivanje prava na bodove po kriteriju broj 6, potpisana Izjava Kluba da će omogućiti besplatan trenažni proces za djecu iz porodica slabijeg socio-ekonomskog statusa u 2026. godini. (Na bodove i institucionalnu podršku po ovom kriteriju imaju pravo samo klubovi koji u svom radu imaju organizovan omladinski pogon, odnosno bodovani su po osnovu omladinskih selekcija.). Grad Lukavac će Javnim pozivom obavijestiti javnost o klubovima u kojima je moguće trenirati besplatno za kategorije djece iz porodica nižeg socio-ekonomskog statusa.

UZ SVE POPUNJENE OBRASCE JE POTREBNO PRILOŽITI I SPOJITI NAVEDENE DOKAZE. AKO ISTI DOKUMENT DOKAZUJE VIŠE KRITERIJA, POTREBNO JE ISTI KOPIRATI I PRILOŽITI UZ SVAKI KRITERIJ. SVE DOKUMENTE ZA DOKAZIVANJE JE POTREBNO DOSTAVITI SLOŽENE I NUMERISANE REDOSLIJEDOM KAO U JAVNOM POZIVU.

Komisija po potrebi određene podatke može pribaviti po službenoj dužnosti.

Pored dokumenata kojim se dokazuju posebni uslovi za vrednovanje, Klubovi su obavezni dostaviti Godišnji plan i program rada sa finansijskim planom i okvirno potrebnim sredstvima za realizaciju Godišnjeg programa, te planom realizacije trenažnog procesa za cijelu tekuću godinu.

Član 11.

Nakon izvršenog bodovanja svih sportskih klubova, utvrdit će se kategorizacija sportskih kolektiva na području grada Lukavac.

Sportski klubovi će se svrstati u sljedeće kategorije:

- Klubovi u kategoriji vrhunskog i kvalitetnog sporta
- Klubovi u kategoriji sporta za osobe sa invaliditetom
- Klubovi u kategoriji sportskog odgoja i obrazovanja
- Klubovi od javnog interesa za Grad Lukavac

Član 12.

Ovaj Javni poziv se objavljuje na web stranici Grada Lukavac i na Oglasnoj ploči Grada Lukavac (šalter sala Gradske uprave), i biti će otvoren 15 dana od dana objavljivanja.

Član 13.

Prijava se podnosi na Aplikacionom obrascu kojeg propisuje nadležna Služba, a koji se može preuzeti na web stranici Grada Lukavac www.opcina.lukavac.ba.

Član 14.

Prijave na Javni poziv sa potrebnom dokumentacijom u zatvorenoj koverti slati na adresu :

GRAD LUKAVAC
Služba za društvene djelatnosti i upravu
Trg slobode broj 1. 75300 Lukavac
sa obaveznom naznakom:

„Prijava na Javni poziv za kategorizaciju sportskih klubova i raspodjelu sredstava za razvoj sporta na području grada Lukavac“
„Ne otvarati“.

ili lično u šalter Sali Gradske uprave Lukavac svakim radnim danom od 07.00-15:30 sati.

Pomoćnik Gradonačelnika
Mirela Bubić, dipl. pravnik

GRADONAČELNIK
dr. sc. Edin Delić

Dostaviti:

1. Gradonačelnik
2. Oglasna ploča 2x
3. Služba za društvene djelatnosti i upravu,
4. Evidencija 2x,
5. a/a